

**Angeles City Science High School**  
**Filipino 10**

**Name:** Paul Gerald D. Pare

**Section:** 10-Hawking

**Gawain 3**

**Panuto:** Gumawa ng isang liham pasasalamat sa mga taong nagpakita ng kabayanihan o dedikasyon sa kani-kanilang propesyon sa panahon ng pandemya na may kaugnayan sa mga kabanatang nabasa.

Liham para sa aking napakasipag na tatay na si Edwin,

"Ang ama ang haligi ng tahanan", sabi nga ng isang kataga. Ako'y malugod na nagpapasalamat sa iyong sakripisyo lalo na sa panahon ng pandemya. Ika'y nagpursige na magtrabaho upang bigyan kami ng magandang kinabukasan.

Sa pagsubok na ating nararanasan sa pandemyang ito, ika'y namamasada upang ihatid ang mga mamamayan kahit pa man na delikado ito. Kagaya na lamang ni Simoun na gustong maghimagsik kahit alam niyang delikado ito at maaaring maging sanhi pa ito ng kaniyang kamatayan. Ganunpaman, ginagawa niya ito upang mapalaya ang mga Pilipino mula sa mga Espanyol. Inuuna niya ang kapakanan ng iba bago ang kaniyang sarili. Bukod sa pamamasada, ikaw rin ay tumutulong sa ating komunidad at tumutulong ayusin at pagandahin ang ating tahanan.

Kahit na naghihirap ang ating pamilya, hindi tumitigil ang aking ama sa pagtulong sa iba at magtrabaho. Maihahalintulad natin ito sa mga karanasan ni Huli. Kahit pa man naubos ang kanilang salapi, sinusubukan niya pa ring isalba ang kaniyang ama mula sa mga tulisan sa pamamagitan ng pamamasukan bilang katulong at pagbabayad sa mga ito. Hindi nabibigyan ang aking ama mula sa kaniyang tulong ngunit ginagawa niya pa rin ito para sa ating pamayanan. Kumikita lamang siya sa pamamasada at kakaunti lamang ito ngunit malaki ang kaniyang naitutulong para sa iba upang makarating sila sa kanilang pinupuntahan.

Sa kahit anong pagsubok, nakahandang tumulong ang aking ama hindi lamang para sa ating pamilya, kundi pati na rin sa ating komunidad. Saludong saludo ako sa aking itay. Sana'y maging maayos at maganda ang magiging kinakaharap ninyo.

Iyong minamahal na anak,  
Paul